



Hordaland Fylkeskommune
Postboks 7900
5020 Bergen

Bergen 12.05.2017

Høringsuttale til Regional kystsoneplan for Sunnhordland og Ytre Hardanger. Ref: 2014/11042

Vi viser til høringsforslag for Regional kystsoneplan for Sunnhordland og Ytre Hardanger som er utlagt til 2. gangshøring med utsett frist til 12. mai 2017, og vårt brev med 1.gangs høringsuttale datert 30.09.2015. Salmon Group syner og til 1. og 2. gangs høringsuttaler frå Sjømat Norge som vi støtter.

Salmon Group er eit nettverk for lokaleigde oppdrettsselskap, og representerer ein rekke verksemdar i regionen Sunnhordland og Ytre Hardanger, som er ein levande kystregion, med eit mangfald av bedrifter innanfor kystnæringane havbruk og fiskeri.

Verdiskaping, sysselsetjing og busetnad er basert på at desse bedriftene får leve og utvikle seg, og at nye får kome til. Vi vil og særleg støtte høringsuttalene frå kommunane Austevoll, Fitjar og Tysnes, som bringer fram viktige moment i så måte. Dei tre kommunane representerer viktige oppdrettskommunar i regionen.

Vi har i tidlegare brev gitt uttrykk for at føreslegne marine verneområde og avgrensingar i regional kystsoneplan vil kunne medføre at næringa i regionen vil kome negativt ut i arbeidet med å utvikle seg vidare. Det vil vere lite samfunnsøkonomisk berekraftig med tanke på utvikling av regionen og i strid med føremålet med planarbeidet, som er å sikre ei berekraftig forvaltning av sjøareal og strandsone i Sunnhordlandsregionen og Ytre Hardanger. Planen skal sikre gode rammevilkår for havbruksnæringa som ei stor og viktig næring i regionen, samt maritim sektor med trygge farleier, hamneområde og sjøretta næringsareal.

Det føreliggande utkast til Regional kystsoneplan har gjennomgått fleire revisjonar og vi er glad for at det i planforslaget er lagt ut fleire områder for akvakultur. Planforslaget er likevel enno ikkje godt nok til at vi kan tilrå at planen vert vedteken slik han ligg føre. Etter vår meining er det også feil tidspunkt å vedta ein slik plan på.

Ut i frå dette, vil vi be om at endeleg vedtak for planen vert utsett med fylgjande grunngjeving:

- Styresmaktene har vedteke å innføre ny sonestruktur for mulig vekst som vil ha innverknad på heile næringa i planområdet, og det er uheldig å utarbeide kystsoneplan som ikkje er basert på erfaring frå denne soneinndelinga. I tillegg er utstrekning av marine verneområder uavklart og Mattilsynet sine avstandskrav under utgreiing.
- Kommunaldepartementet er i ferd med å utarbeida rettleiar for planarbeid i sjø, og det kan vera føremålstenleg å basera planarbeidet på det som vil vera resultatet av dette arbeidet.

Dersom endeleg vedtak ikkje vert utsett, vil vi be om at det for havbruksnæringa sin del vert føreteken endring og omsyn når det gjeld fylgjande punkt i retningslinjene for planen:

- Verneområda er for store og omfattande, dei vil hindre utvikling både på land og sjø for næringsliv og befolkning.
- Planen bør og må brukast som kunnskapsgrunnlag, men ikkje vedtakast som bindande/ førande for kommunal planlegging.
- Verneområda som er føreslegne i planen må sjåast i samanheng med Marin Verneplan og innrettast slik at verna areal totalt sett vert mindre i omfang. Det er og uklart korleis ny sonestruktur påverkar reelt tilgjengeleg areal, og kystsoneplanen må også vurderast opp mot konsekvensar av dette etter at dei konkrete verknader av ny sonestruktur er kjent og implementert.
- I retningslinjene til planen må punkt 1.3 som gjeld motsegnstakast ut av planen.
- Punkt 2.16 må endrast slik at kommunen har moglegheit til å tildela sjøareal til havbruksføremål når dei finn det tenleg utan at det føreligg teknologiske nyvinningar eller at området skal øyremerkast til nye artar.
- Punkt 3.5 må endrast slik at fortøyingar kan leggjast i areala som er karakterisert som sjø- og vassdrag generelt og slik at framtidig utviding av AK område gjennom kommuneplanvedtak kan gjerast i desse områda.

Vi har fylgjande framlegg til konkrete endringar av verneområder:

- Utstrekninga av arealsone i Fitjarøyane må reduserast.
- I Brandasund vil føreliggjande forslag avgrense utviding av foredlingsanlegget der, og vi ber om at det vert lagt inn areal som gjev moglegheit for utviding av dette anlegget på land.
- I nordre og vestre delar av Austevoll er altfor store delar av sjøarealet foreslått som verneområde. Dette må reduserast monaleg.
- Vi er samd i at sårbare område skal ivaretakast, men vernetanken i dokumentet er framleis framtrudande og bør balanserast meir mot omsynet til og behovet for næringsutvikling.

Konklusjon

Innhaldet i plandokumentet samsvarar framleis ikkje med planen si målsetjing på vesentlege punkt. Det er med omsyn til uavklarte forhold omkring marine verneområder og ny sonestruktur, ikkje rett tidspunkt å vedta endeleg plan på.

Vi ber primært om utsetjinga av endeleg vedtak av planen, subsidiært om endring av ovannemnde punkt før vedtak.

Salmon Group vil oppmode Hordaland Fylkeskommune om å ta ein offensiv rolle i utviklinga av havbruksnæringa i regionen. Ein bør sikre areal både for vekst i lakseoppdrett og andre artar. Kystsonen vil bli viktig dyrkingsareal for fleire artar ein dei vi nyttar han til i dag, og vår evne til å utvikle kystnæringane vil vere avgjerande for busetnaden langs kysten.

Med helsing
Salmon Group AS

Anne Kristine Øen
Administrerende direktør